



Broj: 05-11-27200-1/23  
Sarajevo, 03.07.2023.godine

Na osnovu Zaključka Vlade Kantona Sarajevo broj: 02-04-29347-23/23 od 22.06.2023.godine, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, raspisuje

### JAVNI POZIV

**za dodjelu prava korištenja stubova javne rasvjete na području Kantona Sarajevo za postavljanje reklamnih panoa na općinama Stari grad Sarajevo, Novo Sarajevo, Vogošća, Ilijaš i Trnovo**

#### 1. PREDMET JAVNOG POZIVA

Predmet javnog poziva je dodjela prava korištenja stubova javne rasvjete na području Kantona Sarajevo za postavljanje reklamnih panoa, a u skladu sa Elaboratom "Reklamni panoi na stubovima javne rasvjete na području Kantona Sarajevo-Izmjene i dopune" broj: 02-04-36903-18/21 od 07.10.2021. godine, na period od jednu (1) godine. Naknada za korištenje se plaća u skladu sa potpisanim ugovorima o korištenju stubova javne rasvjete za postavljanje reklamnih panoa, a ugovoreni iznos se plaća unaprijed za godinu dana u dva jednaka dijela i to u roku od 10 dana od obostranog potpisivanja ugovora I dio, a II dio iznosa u roku od 15 dana po isteku šestog mjeseca od zaključenja ugovora.

Početna cijena po jednom reklamnom mjestu na stubu javne rasvjete na slijedećim lokacijama je:

- 1.) Općina Stari grad Sarajevo, 91 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 20,00 KM,
- 2.) Općina Novo Sarajevo, 124 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 20,00 KM,
- 3.) Općina Vogošća, 18 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 10,00 KM,
- 4.) Općina Ilijaš, 18 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 10,00 KM,



**5.) Općina Trnovo, 27 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 15,00 KM.**

## **2. PRAVO UČEŠĆA**

Pravo učešća imaju sva pravna lica koja su registrovana na području Bosne i Hercegovine za obavljanje djelatnosti reklamiranja i oglašavanja, koje su ispunile sve porezne i ostale obaveze, kao i redovno izmirene finansijske obaveze prema Kantonu Sarajevo.

Ponude ponuđača i povezanih lica sa istima koji nisu ispunili sve porezne i ostale obaveze i ukoliko imaju dugovanje prema Kantonu Sarajevo po osnovu ranijih ugovora o korištenju stubova javne rasvjete za postavljanje reklamnih panoa, neće se uzeti u razmatranje i bit će odbačene kao nepotpune.

## **3. SADRŽAJ PONUDE**

Ponuda obavezno treba da sadrži:

- 3.1 izjava o ponuđenoj cijeni od strane ponuđača opečaćena i potpisana od strane odgovornog lica,
- 3.2 dokaz da je podnositelj registrovan za djelatnost reklamnog oglašavanja (original ili ovjerena kopija izvoda iz sudskog registra ili drugog organa nadležnog za registraciju, ne starije od 6 mjeseci od dana objave Javnog poziva),
- 3.3 potvrda o izmirenim poreznim obavezama ( direktni i indirektni porezi) - (original ili ovjerena kopija uvjerenja nadležnog poreznog organa ne starija od 3 mjeseca od dana objave Javnog poziva), Napomena: U slučaju da ponuđač nije PDV obveznik, isto potvrđuje ovjerenom izjavom odgovornog lica.
- 3.4 potvrda Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za ponuđače i povezana lica sa ponuđačima koji su prethodno imali ugovore o korištenju stubova javne rasvjete za postavljanje reklamnih panoa o redovnom izmirenju prethodnih finansijskih obaveza, (potvrde po ranijem objavljenom javnom pozivu neće se razmatrati-potrebno je dostaviti novu potvrdu zaključno sa 30.06.2023.godine),
- 3.5 bankovna garancija za izvršenje ugovora u iznosu od 10% od vrijednosti ugovora za ponuđače koji budu imali najpovoljnije ponude odnosno sa kojim će se zaključiti ugovor (ponuđač je dužan dostaviti bankovnu garanciju prilikom potpisa ugovora). U slučaju da ponuđač ne dostavi bankovnu garanciju ugovor se neće potpisati te se ponuda smatra ništavom, a slijedeći najbolje rangirani ponuđač će se izabrati kao najpovoljniji.

Ukoliko ponuđač dostavlja ponude za više općina, dokumentaciju o ispunjavanju općih uslova iz tački 3.2, 3.3 i 3.4 Javnog poziva, može dostaviti u jednoj koverti (orginal i kopija).

Ponuda ne može sadržavati alternativne opcije niti se mogu podnositi.



Ponude uz koje budu dostavljene alternativne ponude, ponude koje budu sadržavale alternativne opcije, neblagovremene ponude, kao i ponude uz koje ne budu priloženi traženi dokazi, neće se razmatrati.

#### 4. KRITERIJI ZA ODABIR NAJPOVOLJNIJE PONUDE

Kriterij za odabir najpovoljnije ponude je pored ispunjenih uslova iz tačke 3.ovog Javnog poziva, najviši ponuđeni mjesečni iznos po poziciji za postavljanje reklamnog panoa na stubu javne rasvjete na području jedne općine, odnosno najviši ponuđeni ukupni godišnji iznos za sve ponuđene pozicije za postavljanje reklamnih panoa na stubovima javne rasvjete po jednoj općini iz tačke 1. ovog Javnog poziva.

Ukoliko dva ili više ponuđača imaju isti ponuđeni iznos (pored ispunjenih uslova iz tačke 3.ovog Javnog poziva), dužni su dostaviti nove ponude u roku od 3 dana od dana otvaranja ponuda sa novim ponuđenim cijenama, a početna cijena se uzima ona koju je predložio ponuđač u ovome Javnom pozivu na predmetnoj općini. Ukoliko i na drugom ponovljenom Javnom pozivu dva ili više ponuđača imaju isti ponuđeni iznos, Ministarstvo zadržava pravo odabira najpovoljnije ponude.

#### 5. PREUZIMANJE DOKUMENTACIJE IZ JAVNOG POZIVA

Zainteresirani ponuđači mogu preuzeti na web stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo Elaborat "Reklamni panoi na stubovima javne rasvjete na području Kantona Sarajevo-Izmjene i dopune" broj: 02-04-36903-18/21 od 07.10.2021. godine u kojima su definisani tehnički uslovi za postavljanje oglasnih površina na stubovima javne rasvjete i spisak lokacija/pozicija za postavljanje reklamnih panoa na stubovima javne rasvjete po općinama koje su predmet ovoga Javnog poziva i obrazac ponude za dodjelu prava korištenja stubova javne rasvjete za postavljanje reklamnih panoa na području općine za koje je zainteresiran ponuđač, a koja je sastavni dio ponude.

#### 6. PODNOŠENJE PONUDA

Ponuđač je dužan dostaviti jednu originalnu ponudu, koja mora sadržavati sve originalne dokumente ili od strane nadležnog organa ovjerene kopije na PROTOKOL Kantona Sarajevo – Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, ul. Reisa Džemaludina Čauševića broj 1 Sarajevo sa naznakom: " Javni poziv za dodjelu prava korištenja stubova javne rasvjete na području Kantona Sarajevo za postavljanje reklamnih panoa NE OTVARAJ", **do 21.07.2023.godine do 10:00 sati.**

U razmatranje će se uzeti samo one Ponude koje stignu do navedenog datuma i sata, bez obzira na način dostave.

Uz originalnu ponudu, ponuđači su dužni da dostave i kovertu sa kopijom ponude koja će se otvarati samo u slučajevima kada se bude zahtijevalo utvrđivanje vjerodostojnosti originalne ponude.

Original i kopija ponude moraju biti upakovane u zasebnim kovertama koje se zatim stavljaju u novu kovertu, odnosno iste moraju biti dostavljene u jednoj koverti.



## 7. JAVNO OTVARANJE PONUDA

Javno otvaranje ponuda obaviti će se u Multimedijalnoj sali zgrade Kantona Sarajevo, **dana 21.07.2023. godine u 10:15 sati**, od strane Komisije koju je imenovao Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo.

Otvaranju ponuda mogu prisustvovati jedan ili više ovlaštenih predstavnika ponuđača uz predočenje ovlaštenja u pisanoj formi.

**NAPOMENA:** Ukoliko nema kopije dostavljene ponude, ponuda se neće otvarati razmatrati.

## 8. OSTALE ODREDBE

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo će u roku od najkasnije **8 (osam) dana** od zaključenja Javnog poziva donijeti odluku o odabiru najpovoljnijih ponuđača po općinama u skladu sa predmetom Javnog poziva.

Učesnici Javnog poziva mogu u roku od **osam (8) dana** od dana dostavljanja odluke, izjaviti prigovor Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo.

Ugovor o dodjeli prava korištenja stubova javne rasvjete za postavljanje reklamnih panoa na području Kantona Sarajevo za navedene općine zaključuje se na period do 1 (jedne) godine.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo ne snosi nikakve troškove ponuđača u postupku javnog nadmetanja, u slučaju da se poništi "Javni poziv", ne izvrši izbor najpovoljnijeg ponuđača ili odbije sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima, niti je u obavezi objasniti razloge takve odluke.

**NAPOMENA:** Odabrani ponuđač iz predmeta ovoga Javnog poziva dužan je reklamne panoa na stubovima javne rasvjete nabaviti i postaviti o svom trošku, a prema Tehničkim uslovima za postavljanje oglasnih površina stubova javne rasvjete iz Elaborata "Reklamni panoi na stubovima javne rasvjete na području Kantona Sarajevo-Izmjene i dopune" broj: 02-04-36903-18/21 od 07.10.2021. godine.

Sažetak Javnog poziva će biti objavljen u dnevnom listu "Dnevni avaz", a cjelokupan sadržaj javnog poziva će biti objavljen na web stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

MINISTAR  
Almir Bećarević

